



MOZA ATSACEIBU GRŌMATENĀ

SASTŌDEJA BAZNEICKUNGS X

15 lpp. / ~ 2,85 MB

MOZA ATSACEIBU GRĀMATENA

Sastādeja bazneickungs X

ČETRUPADSMYTAIS IZDAVUMS

VL. LŪČA IZDEVNICEIBA
DAUGAVPILĒ, ALEJAS ILĀ 3-21
1 9 4 3

REIMPRIMATUR

Datum Rìgae, die 30. VI 1943. a.

† Antonius Springovičs.
Archieppus Rìgensis.

(L. S.)

Nr. 672.

AFV Nr. II/01171. Metiens 50.000. Uzņēmuma noliktavas papīrs 61×86 cm. 33 kg. Iespiesta un brošēta Rēzeknes spiestuvē, Atbrīvošanas alejā 31. Izdota 1943. g. septembrī. Atļaujas Nr. 19781. Ord. Nr. 1595.

1. Svātō krysta zeīme.

Dīva Tāva un Dāla, un Svātō Gora vōrdā! Amen.

2. Kunga lyugšona vai Tāvs myusu.

Tāvs myusu, kas esi debesis, svēteits lai top Tōvs vōrds, lai atnōk Tova vaļsteiba, Tova vaļa lai nūteik kai debesis, tai ari vērs zemes.

Myusu ikdīnīškū maizi dūdi mums šudīp, un atļaid mums myusu porōdus, kai ari mes atļaižam sovīm porōdnīkim, un naivēd myusu kārdynōšonā, bet atpestej myus nu ļauna. Amen.

3. Engēļa sveicynōšona.

Esi sveicynōta Marija, žēlesteibas pylna, Kungs ir ar Tevim, Tu esi svēteita storp sīvītem un svēteits ir tovas mīsas Auglis — Jezus. Svātō Marija, Dīva Mōte, lyudzīs par mums grēcinīkim tagad un myusu nōves stuņdē. Amen.

4. Vysusvātōkōs Trejādeības gūdynōšona.

Gūds lai ir Tāvam un Dālam, un Svātājam Goram! Kai beja nu īsōkuma, tai tagad un vysod, un myužēigi myužam. Amen.

3

5. Apostolu Symbols vai Es tycu.

Es tycu ikš Dīva, Vysuvareigō Tāva, dabasu un zemes Radeitōja, un ikš Jezus Kristus, Jō Vīneigō Dāla, myusu Kunga, kas ir ījemts nu Svātō Gora, pīdzimis nu Jaunovas Marijas, cītis zam Pontija Pilata, krystā pīkolts, nūmiris un paglobōts; nūkōpis eļnē, trešā dīnā augšancēlis, uzķōpis debesis, sēd pa Vysuvareigō Dīva Tāva lobajai rūkai, nu turīnes Jys atnōks tīsōtu dzeivūs un myrušūs.

Es tycu ikš Svātō Gora, svātōs katōlīskōs Bazneicas, Svātū draudzeibas, grāku atļaisšonas, mīsas augšancelšonōs un myužēigōs dzeivōšonas. Amen.

6. Desmīt Dīva bausleību.

Es asmu tovs Dīvs un Kungs:

- 1.° Tev nabyus svešus dīvus turēt leidz ar Mani!
- 2.° Tev nabyus Dīva tova Kunga vōrdu nālteigi litēt!
- 3.° Tev byus svētejamōs dīnas svēteit!
- 4.° Tev byus sovū tāvu un mōti cīnā turēt!
- 5.° Tev nabyus nūkaut!
- 6.° Tev nabyus lauleibu pōrkōpt!
- 7.° Tev nabyus zagē.
- 8.° Tev nabyus napatīsu līceibu dūt pret sovū tyvōkū!
- 9.° Tev nabyus ikōrēt tova tyvōkō sīvū!
- 10.° Tev nabyus ikōrēt nivīnu lītu, kas ūtram pidar!

4

7. Divi mīlesteibas bausleibas.

- 1.° Tev byus mīlēt Divu sovū Kungu nu vysas sovas sirds, nu vysa sova prōta, nu vysas sovas dvēseles un nu vysa sova spēka!
- 2.° Tev byus mīlēt sovū tyvōkū kai sevi pošu!

8. Pīcas Bazneicas bausleibas.

- 1.° Tev byus svātdīnōs un svētejamōs svātku dīnōs Svātu Misi izklausēt un atsaturēt nu gryutīm dorbīm!
- 2.° Tev byus nu Bazneicas nūteiktōs dīnōs atsaturēt nu gaļas ēdīnim un gavējamōs dīnōs gavēt!
- 3.° Tev byus vysmoz reizi godā izsyudzēt sovus grākus!
- 4.° Tev byus Vysusvātōkū Sakramentu vysmoz Lēdīnas laikā pījemt!
- 5.° Tev byus paleidzēt uzturēt bazneicu un jōs kolpus!

Kristticeigūs sveicīns.

Lai ir slaveīts Jezus Kristus! Myužēigi myužam. Amen.

9. Septeni Svāti Sakramenti.

- 1.° Kristeiba,
- 2.° Istyprynōšona,
- 3.° Vysusvātōkāis Sakraments vai Eucharistija,
- 4.° Grākuvaidešona,
- 5.° Postora svēteiba,
- 6.° Prīstereiba,
- 7.° Lauleiba.

5

10. Pīcas grākuvaidēšonas daļas.

- 1.^o Jōlosa grāki.
- 2.^o par grākim jōnūžāļoj.
- 3.^o stipri jōapsajam vairōk nagrākōt.
- 4.^o grāki jōizsyudz.
- 5.^o jōizpylda uzlyktō gondareišona.

11. Pādejōs litas.

- 1.^o Nōve, 2.^o atseviškō tisa, 3.^o vai debesis, vai škeisteišonas guņs, vai eļne, 4.^o augšancelšonōs, 5.^o Postora tisa, 6.^o vai debesis, vai eļne.

12. Vyslobōkī dorbi.

- 1.^o Lyugšona, 2.^o pašmērdeiba, 3.^o dōvonu dūšona tryuceigim.

13. Žālsirdeibas goreigī dorbi.

- 1.^o Grēcīnikus vest uz loba ceļa;
- 2.^o Naapzineigūs pamōceit;
- 3.^o Šaubōs ikrytušim dūt lobu padūmu;
- 4.^o Nūskumušūs iprīcynōt;
- 5.^o Nataisneibu pacīteigi panest;
- 6.^o Apkaitynōjumus atlaist;
- 7.^o Lyugt Dīvu par dzeivīm un myrušajim.

14. Žālsirdeibas mīseigī dorbi.

- 1.^o Olkonūs pabarōt;
- 2.^o Slōpstūšūs padzirdeit;
- 3.^o Plykūs apgērbt;
- 4.^o Celaveirus mōjōs pījimt;
- 5.^o Slimīnikus apraudzeit;

6

- 6.^o Citumņikus apmeklēt;
- 7.^o Nūmyrušūs paglobōt.

15. Trejs diviškī tykumi.

- 1.^o Ticeiba, 2.^o cereiba, 3.^o mīlesteiba, tys ir: atzeisti, ka ir Dīvs; pasaļauņ uz Dīva gōdeibu un mīļoj Dīvu pōrōk par vysu.

18. Septeni golvonī grāki.

- 1.^o Lepneiba, 2.^o prozoreiba, 3.^o naškeisteiba,
- 4.^o skaudeiba, 5.^o nasōteiba (apsareišona),
- 6.^o dusmeiba, 7.^o kyutreibā loba dareišonā.

17. Septeni tykumi, kas ir septeņu golvonū grāku pretstots.

- 1.^o Pazemeiba, 2.^o deveiba, 3.^o škeisteiba,
- 4.^o labvēleiba, 5.^o sōteiba, 6.^o lēnprōteiba,
- 7.^o dedzeiba loba dareišonā.

16. Četri pamata tykumi.

- 1.^o Gudreibā, 2.^o taisneiba, 3.^o sōteiba,
- 4.^o drūsme.

19. Deveni sveši grāki, kaidūs mes varim byut leidzdaleibniki.

- 1.^o Ūtru grākam pamōceit;
- 2.^o Ūtram grākōt padūmu dūt;
- 3.^o Ūtru pamudynōt uz grāku;
- 4.^o Ūtram grākōt pavēlēt;
- 5.^o Ūtram grākōt atļaut;
- 6.^o Ūtram grākōt paleidzēt;
- 7.^o Par ūtra grāku klusēt;
- 8.^o Ūtru grākā kreitūt naaizkavēt;
- 9.^o Ūtra grāku slēpt.

7

20. Četri grāki, kas sauc uz debesīm pēc atrībeibas.

- 1.^o Teišam cylvāku nūkaut;
- 2.^o Sodomas vai natikleibas grāku dareit;
- 3.^o Nabogīm, bōrinīm un atraitnem pōrestebas dareit;
- 4.^o Kolpim un kolpyunem nūpelneitū olgu aizturēt.

21. Seši grāki pret Dīvu Svātū Goru.

- 1.^o Teišam grākōt, cerejūt uz Dīva žālsirdeibu;
- 2.^o Naturēt cereibu uz sovu atpestišonu;
- 3.^o Atzeitai ticeibas patiseibai pretōtis;
- 4.^o Dīva žēlesteibas skaust sovam tyvōkajam;
- 5.^o Svēteigu pamōceibu atmest;
- 6.^o Grākuvaidēšonu atlikt leidz nōvei.

PAR DĪVU UN RADEIBOM.

Vaicōjums. Kū ikkotram cylvākam vyspyrms vajaga zynōt?

Atbilde. Ikkotram cylvākam vyspyrms vajaga zynōt, dēļ kō jū Dīvs ir radejis?

- V. Dēļ kō Dīvs ir radejis cylvāku?
- A. Dīvs ir radejis cylvāku dēļ tō, lai cylvāks Dīvu pazeitu, mīļotu, gūdynōtu, Jam kolpōtu un pēc ar Jū debesis dzeivōtu.
- V. Kōdēļ mums vajaga Dīvu mīļot, gūdynōt un Jam kolpōt?
- A. Mums vajaga Dīvu mīļot, gūdynōt un Jam kolpōt tōdēļ, ka Dīvs ir myusu Radeitōjs, Kungs un Glōbejs.

8

- V. Kū Dīvs dūs taidim laudim, kuri Jū mīļoj, gūdynōj un Jam kolpoj?

A. Taidim laudim Dīvs dūs dabasu valsteibu.

- V. Kū Dīvs padareis tim, kuri Jō namīļoj un Jam nakolpoj?

A. Taidus laudīs Dīvs nūstrōpēs ar eļnes guni.

- V. Kas ir Dīvs?

A. Dīvs ir pilneigs Gors, dabasu un zemes, un vysu radzamu un naradzamu litu Radeitōjs.

- V. Vai Dīvam ir isōkums?

A. Dīvam nav ni isōkuma, ni gola, par tū, ka Dīvs ir myuželgs.

- V. Kur ir Dīvs?

A. Dīvs ir vysur: dabasūs, vērs zemes un ikkotrā vitā.

- V. Kōdēļ mes Dīvu naradzam, jo Jys vysur ir?

A. Tōdēļ mes Dīvu naradzam, ka Jys ir teirs Gors un Jam nav mīsas.

- V. Vai Dīvs myusus redz?

A. Dīvs redz myusus un vysus myusu dorbūs, dzērd myusu vōrdus un zyna vysas myusu dūmas.

- V. Cik ir Dīvu?

A. Dīvs ir vīns, trejōs personōs.

- V. Kai tōs trejs Diviškōs Personas saucam?

A. Trejs Diviškōs Personas saucam: Dīvs Tāvs, Dīvs Dāls un Dīvs Svātais Gors.

- V. Kai nūsaucam trejs Dīva Personas ar vīnu vōrdu?

A. Trejs Diviškōs Personas ar vīnu vōrdu nūsaucam par Vysusvātōkū Trejadeibu.

9

- V. Kura nu tom trejom Personom palyka par cylvāku?
- A. Par cylvāku palyka Ūtrō Dīva persona, tys ir Dīva Dāls.
- V. Kai mes saucam tū Personu, kura palyka par cylvāku?
- A. Tū Personu, kura palyka par cylvāku, mes saucam par Kungu Jezu.
- V. Vai tagad Kungs Jezus ir Dīvs vai cylvāks?
- A. Kungs Jezus tagad ir eistyns Dīvs un eistyns cylvāks.
- V. Vai Kungam Jezum beja īsokums?
- A. Kungam Jezum kai Dīvam nikod nabeja īsokuma, bet kai cylvākam beja īsokums.
- V. Kod Dīva Dāls palyka par cylvāku?
- A. Dīva Dāls tūlaik palyka par cylvāku, kod piļēme mīšu nu Jaunovas Marijas.
- V. Kas beja svātais Jezups?
- A. Svātais Jezups beja Vysusvātōkōs Jaunovas Marijas leigavaiņs un glōbejs.
- V. Kur pīdzyma Kungs Jezus?
- A. Kungs Jezus pīdzyma Betlejemes mīsteņā nabadzeigā staleitī.
- V. Kas pyrmais atnōce pagūdynōt pīdzymīšu Kungu Jezu?
- A. Pīrmi attecēja gāneni, kuri natōli nu Betlejemes ganeja lūpus, un pēc jīm atnōce trejs kēneni nu Austrumu zemes.
- V. Kod mes svētejam Kunga Jezus Pīdzimšonas dīnu?

10

- A. Mes svētejam Kunga Jezus Pīdzimšonas dīnu Zīmas svātkūs.
- V. Kū padareja Kungs Jezus, kod Jam beja 30 godu?
- A. Tūlaik Kungs Jezus nu svātō Jōņa Kristeitōja Jordana upē piļēme kristeibu.
- V. Kū vēl dareja Kungs Jezus, dzeivōdams vērs šos zemes?
- A. Jys mōceja ļaudis, atlaide jīm grākus un slymūs dareja vasalus.
- V. Kas Kungam Jezum paleidzēja sludynōt Evangelijumu?
- A. Apostoli.
- V. Cik Kungam Jezum beja apostolu?
- A. Kungam Jezum beja 12 apostolu.
- V. Kur nūmyra Kungs Jezus?
- A. Kungs Jezus nūmyra uz Kalvarejas kolna.
- V. Kaidā nōvē Kungs Jezus nūmyra?
- A. Kungu Jezu žēidi pīkola pi krysta.
- V. Par kō grākim Kungs Jezus nūmyra?
- A. Kungs Jezus nūmyra par myusu grākim, lai myus izpesteit nu myužēigōs pazusšonas.
- V. Kod mes svētejam Kunga Jezus cīsšonu dīnu?
- A. Kunga Jezus cīsšonu dīnu mes svētejam Lelajā Pīktīnā.
- V. Kod mes svētejam Kunga Jezus augšanceļšonōs dīnu?
- A. Kunga Jezus augšanceļšonōs dīnu mes svētejam Leldīnā.

11

Par Dīva radeibom.

- V. Kōdēļ Dīvu mes saucam par Radeitōju?
- A. Dīvu mes saucam par Radeitōju tōdēļ, ka Jys radeja dabasus, zemi un vysas radzamas un naradzamas litas.
- V. Kū zeļmoj vōrds radeit?
- A. Vōrds radeit zeļmoj pataiseit kaidu litu ni nu kō.
- V. Kai Dīvs radeja pasauli?
- A. Dīvs radeja pasauli ar vīnu sovu vareigu vōrdu «Lai nūteik».
- V. Vai kas nūteik pasauli bez Dīva vaļas?
- A. Pasauli nikas nanūteik bez Dīva vaļas.
- V. Vai tod grāks ari nūteik ar Dīva vaļu.
- A. Nā! grāks nōk nu cylvāka ļaunas vaļas.
- V. Kas ir cylvāks?
- A. Cylvāks ir Dīva radejums, kas sastōv nu dvēseles un mīsas.
- V. Kai Dīvs radeja cylvāka mīsu?
- A. Dīvs radeja cylvāka mīsu nu zemes.
- V. Kai Dīvs radeja cylvāka dvēseli?
- A. Dīvs idvēse cylvāka mīšā namērsteigu goru.
- V. Kas ir cylvāka dvēsele?
- A. Cylvāka dvēsele ir namērsteigs gors, apdōvynōts ar prōtu un breivu vaļu.
- V. Vai cylvāka mīsa mērst?
- A. Cylvāka mīsa mērst.
- V. Vai cylvāka dvēsele mērst?
- A. Cylvāka dvēsele nikod namērst.
- V. Cik cylvāku Dīvs radeja?
- A. Dīvs radeja divi cylvākus: Odumu un Īvu.

12

- V. Kai Dīvs jūs radeja?
- A. Oduma mīsu Dīvs radeja nu zemes, un Īvu nu Oduma sōnkauļa; Dīvs nūlaide uz Odumu gryutu mīgu, izjēme jam sōnkauli un radeja Īvu.
- V. Kaidus Dīvs radeja pyrmūs cylvākus?
- A. Dīvs radeja jūs taisneligus un namērsteigus.
- V. Kur Dīvs īvitōja pyrmūs cylvākus?
- A. Dīvs jūs īvitōja paradizes dōrzā.
- V. Vai Dīvs atļōve Odumam un Īvai ēst augļus nu visīm paradizes dōrza kūkim?
- A. Dīvs jīm atļōve ēst augļus nu visīm kūkim, tikai nu ļauna un loba pazeļšonas kūka aizlidze ēst augļus.
- V. Vai Odums un Īva palyka Dīvam paklausīgi?
- A. Nā, jī sagrākōja pōrkōpdami Dīva pisaceļšonu.
- V. Kaidis tod beja pyrmū cylvāku grāks?
- A. Jī ēde nu Dīva aizligta kūka augļi.
- V. Vai Dīvs nūstrōpēja pyrmūs dzymdynōtōjus par Jō vaļas pōrkōpšonu?
- A. Dīvs jūs nūstrōpēja pi dvēseles un mīsas.
- V. Kai pyrmūs dzymdynōtōjus Dīvs nūstrōpēja pi dvēseles?
- A. Dīvs jīm atjēme sovu žēlesteibu, atjēme tiseibu uz dabasu vaļsteibu un nūsprīde uz myužēigom mūkom eļnes guni.
- V. Kai Dīvs nūstrōpēja pi mīsas?
- A. Pi mīsas Dīvs jūs nūstrōpēja ar vōrgīm, slīmeibom un nōvī, un padzyna nu paradizes.

13

- V. Kai tū grāku saucam, kurā ikryta Odums un Iva?
- A. Tū grāku saucam par idzymtu grāku.
- V. Par kū šū grāku mes saucam par idzymtu grāku?
- A. Mes jū saucam par idzymtu grāku par tū, ka jys pōrit uz mums visim.
- V. Kas byutu nūticis ar cylvāku, jo Dīvs nabyutu apsažālōjis uz jū pēc grākā krisšonas?
- A. Jo Dīvs nabyutu apsažālōjis, mes visi byutu myužam pazudynōti.
- V. Kaidu žēlesteibu Dīvs padareja ļaudim?
- A. Dīvs ļaudim apsūleja Pesteitōju.

Par engelim.

- V. Vai Dīvs radeja tikai radzamu pasauli?
- A. Nā, Dīvs vēl radeja lelu pulku naradzamu Engelu.
- V. Kas tys ir Engels?
- A. Engels ir teirs gors, kuram ir prōts un vaļa, bet nav mīsas.
- V. Dēļ kō Dīvs radeja Engelus?
- A. Dīvs radeja Engelus dēļ sova gūda un cylvāka lobuma.
- V. Vai visi Engeli palyka lobi un Dīvam paklauseigi?
- A. Nā, na visi: daudz Engelu caur lepneibu sagrākōja un tyka padzeiti nu dabasim uz ejni.
- V. Kai saucās šī ļaunī engeli?

14

- A. Šī ļaunī engeli saucās par valnim vai naškeistim gorim.
- V. Kas ir pyrmais grēciniks?
- A. Pyrmais grēciniks vai Dīva vaļas pōrkōpējs ir naškeists gors.
- V. Vai naškeists gors dora cylvākim kaidu ļaunu?
- A. Kai tad: naškeists gors mudynoj cylvāku uz grāku.
- V. Vai lobi Engeli dora mums kū lobu?
- A. Lobi Engeli sorgoj myus nu nalaimes, mudynoj uz lobu un lyudz par mums Dīvu.
- V. Kai saucās tys Engels, kurs myus sorgoj?
- A. Jys saucās par sorgengeli.

Par Dīva bausleibom.

- V. Kas tys ir Dīva bausleibas?
- A. Dīva bausleibas ir pasludynōta Dīva vaļa, kuru ļaudim vajag pļdeit.
- V. Cik ir Dīva bausleibu?
- A. Dīva bausleibu ir desmit.
- V. Par kū jōs saucam par Dīva bausleibom?
- A. Par tū jōs mes saucam par Dīva bausleibom, ka pats Dīvs jōs deve Moīzešam uz Sīnaja kolna.

Pyrmo Dīva bausleiba.

«Tev nabyus svešus dīvus turēt leidz ar Mani.»

- V. Kū mums pīsoka pyrmō Dīva bausleiba?
- A. Pyrmō Dīva bausleiba mums pīsoka at-

15

zeit un gūdynōt tik vīnu patīseigū Dīvu, dabasu un zemes Radeitōju.

- V. Kai mums vajaga mīlēt Dīvu?
- A. Mums vajaga Dīvu mīlēt nu vysas sirds, prōta un spēka.
- V. Kai mums vajaga mīlēt tyvōkū?
- A. Tyvōkū vajag mīlēt kai pošam sevi.
- V. Kas ir myusu tyvōkais?
- A. Myusu tyvōkais ir ikkotrys cylvāks.
- V. Kū mums Dīvs aizlīdz caur pyrmū bausleibu?
- A. Caur pyrmū bausleibu Dīvs mums aizlīdz ticēt sapnīm, divredzēt, būrt, mest kartōs un kolpēt alkīm (svešim dīvim).
- V. Kas ir alkī, sveši dīvi?
- A. Alkī ir radeitas lītas, kuras ļaudis atzeist par Dīvu.
- V. Kai taidus ļaudis mes saucam, kuri kolpoj alkīm?
- A. Taidus ļaudis, kuri kolpoj alkīm, mes saucam par pogōnīm.
- V. Vai ir vairōk patīseigu Dīvu?
- A. Nav: Dīvs ir tik vīneigais.
- V. Cik ir eistu ticeibu?
- A. Kai vīns ir eistyns Dīvs, tai vīna ir eistyna ticeiba.
- V. Kura ir tei eistynō nu Kunga Jezus īstaitēitō ticeiba?
- A. Eistynō un vīneigō nu Kunga Jezus īstaitēitō ticeiba ir Katōļu ticeiba.

16

Ūtrō Dīva bausleiba.

«Tev nabyus Dīva tova Kunga vōrdu nāliteigi voīkōt.»

- V. Kū mums aizlīdz Dīvs dareit caur ūtrū bausleibu?
- A. Caur ūtrū bausleibu Dīvs mums aizlīdz: bez vajadzeibas Dīva vōrdu mīnēt, zaimōt, lōdēt un nataisneigi zvērēt.
- V. Kas ir Dīvu zaimōt?
- A. Dīvu zaimōt ir napiklōjeigi runēt pret Dīvu, Dīva Mōti un Jō Svātīm.
- V. Kas ir zvērēt?
- A. Zvērēt ir Dīvu saukt par līciniku, ka grībim rōdeit taisneibu.
- V. Vai ir breivī zvērēt?
- A. Zvērēt ir breivī tikai taisneigā un svareigā lītā.
- V. Vai lelu grāku peļnej, kas zvērej nataisneigā lītā?
- A. Kas nataisneigā lītā zvērej, tys peļnej lelu, nōveigu grāku.
- V. Kū pīsoka dareit ūtrō Dīva bausleiba?
- A. Ūtrō Dīva bausleiba pīsoka gūdynōt Dīva vōrdu.

Trešo Dīva bausleiba.

«Tev byus svētejamōs dīnas svēteit.»

- V. Kū pīsoka trešo Dīva bausleiba?
- A. Trešo Dīva bausleiba pīsoka svēteit svātīnu.

2

17

- V. Kū aizlīdz trešo Dīva bausleiba?
- A. Trešo Dīva bausleiba aizlīdz svātdinūs strōdēt gryutu mīsas dorbu.
- V. Vai peļņej lelu grāku, kas bez vajadzības svātdin strōdoj mīsas dorbu?
- A. Kas svātdinūs strōdoj gryutu dorbu, tys peļņej nōveigu grāku.

Catūrtō Dīva bausleiba.

«Tev byus sovu tāvu un mōti cīnā turēt.»

- V. Kū pīsoka catūrtō Dīva bausleiba?
- A. Catūrtō Dīva bausleiba pīsoka mums so-
vus dzymdynōtōjus gūdā turēt.
- V. Kod bārni tur gūdā sovus dzymdynōtōjus?
- A. Bārni tur gūdā sovus dzymdynōtōjus, kad
jūs mīloj, jūs klausā, vacumā jīm paleidz
un jūs baroj.
- V. Vai vysod vajaga klauseit dzymdynōtō-
jus?
- A. Dzymdynōtōjus vajaga klauseit, kad jī
mōca kū lobu.
- V. Kad dzymdynōtōji mōca zagt, dzert vai
cytu kaidu ļaunu dorbu dareit, vai var jūs
klauseit?
- A. Nā, jo dzymdynōtōji mōca uz ļaunu, nīkod
nadreikst jūs klauseit.
- V. Kū vēl catūrtō bausleiba pīsoka gūdynōt
un klauseit?
- A. Catūrtō Dīva bausleiba pīsoka gūdynōt un
klauseit bazneickungus, goreigu un laicei-
gu vērseibu.

18

- V. Kū Dīvs apsūlej tīm bārnim, kuri pylda
itū bausleibu?
- A. Dīvs taidim bārnim apsūlej laimeigu un
ilgu dzeivi vērs zemes.
- V. Kū vēl pīsoka catūrtō Dīva bausleiba?
- A. Catūrtō Dīva bausleiba pīsoka kolpim un
kolpyunem klauseit sovu saiminīku, labi
jīm vēlēt un dareit.
- V. Kaidis ir saiminīku pīnōkums?
- A. Saiminīkam ir pīnōkums ryupētis par kol-
pu divaballeigu dzeivi un jīm taisneigi iz-
moksēt olgu.

Pīktō Dīva bausleiba.

«Tev nabyus nūkaut.»

- V. Kū aizlīdz pīktō Dīva bausleiba?
- A. Caur pīktū bausleibu Dīvs aizlīdz teišu
prōtu atjimt cylvākam dzeiveibu.
- V. Vai sovu īnainīku var nūkaut?
- A. Nā, vyslēoku īnainīku nav breivi nū-
kaut.
- V. Vai var cylvāku sist un jū īvaipōt?
- A. Nā, navar.
- V. Kū vēl aizlīdz pīktō Dīva bausleiba?
- A. Pīktō Dīva bausleiba aizlīdz uz tyvōkō
dusmōtīs, jū lōdēt un dareit jam kū ļaunu
pi mīsas vai dvēseles.
- V. Vai ir lels grāks sev un cytam maitōt ve-
seleibu?
- A. Jā, ir lels grāks.

2*

19

Sastō un deveitō Dīva bausleiba.

«Tev nabyus lauleibu pōrkōpt.» (sastō);

«Tev nabyus ikōrēt tova tyvōkō sīvu.» (deveitō).

- V. Kū aizlīdz Dīvs sastā un deveitā bausleibā?
- A. Šymōs divejōs bausleibōs Dīvs aizlīdz na-
kauneigas dūmōšonas, grībēšonas, vōrdus
un dorbus.

Septeitō Dīva bausleiba.

«Tev nabyus zagt.»

- V. Kas ir zaglis?
- A. Zaglis ir tys, kas bez atļaušonas slapyn pa-
jam sev svešu lītu.
- V. Vai ir grāks pīkrōpt (apmōneit) cylvāku pi
pōrdūšonas, pērkšonas un meišonas?
- A. Ir taidis pat grāks, kai zagšona.
- V. Vai ir breivi sev paturēt nūzogtu lītu?
- A. Nav breivi nūzogtu lītu sev paturēt, jū
vajag atdūt tam, kam jei pīdar.
- V. Vai ir breivi dareit cylvākam kaidu zaudē-
jumu?
- A. Nav breivi.
- V. Kas ir jōdora tam, kas nūzoga vai zaudē-
jumu tyvōkam padareja?
- A. Zaudējumu vajaga atleidzēt un zogtu lītu
vajaga atdūt.
- V. Kū aizlīdz septeitō Dīva bausleiba?
- A. Septeitō bausleiba aizlīdz zagšonu un na-
taisneigu tyvōkō monta aiztūrēšonu.
- V. Kas jōdora ar atrostu lītu?
- A. Jū vajaga atdūt īpašnikam, jo ir zynoms.

20

Ostōitō Dīva bausleiba.

«Tev nabyus napatīšu līceibu dūt pret sovu tyvōkū.»

- V. Kū mums aizlīdz ostōitō Dīva bausleiba?
- A. Ostōitō Dīva bausleiba aizlīdz: nātalsneigu
līceibu, malōšonu, aprunōšonu un slaves
laupeišonu.
- V. Kas ir aprunōt?
- A. Aprunōt ir bez vajadzības stōsteit citim
par tyvōkō padareitīm ļaunim dorbiem un
vōjumim.
- V. Kas ir gūdu laupeit?
- A. Gūdu laupeit ir par tyvōkū izdaudzynōt
taidus ļaunus dorbus, kurus jys nav darejis.
- V. Kas tam jōdora, kas tyvōkū aprunoj vai
jam gūdu nūlaupeja?
- A. Taidam vajaga izlobēt tyvōkō gūdu.

Dasmytō Dīva bausleiba.

«Tev nabyus ikōrēt nīvīnu lītu kas fītram pīdar.»

- V. Kū mums Dīvs aizlīdz caur dasmytū baus-
leibu?
- A. Caur dasmytū bausleibu Dīvs mums aizlīdz
na tīkai ļaunus dorbus, bet arī ļaunas dūmas.
- V. Vai ir lels grāks skaust tyvōkam montu?
- A. Kai tod, skaust tyvōkam montu ir lels grāks.

Par Bazneicas bausleibom.

- V. Cik ir Bazneicas bausleibu?
- A. Bazneicas bausleibas ir pīcas.

21

- V. Par kŭ tōs bausleibas mes saucam par Bazneicas bausleibom?
- A. Par tū jōs saucam par Bazneicas bausleibom, ka jōs īstateja Svātō Katōļu Bazneica.
- V. Kas ir Svātō Katōļu Bazneica?
- A. Svātō Katōļu Bazneica ir kristeitu ļaužu savineiba, kuri atzeist vīnu ticeibu, pījam tūs pošus Svātus Sakramentus un pastōv zam Svāta Romas Tāva vērseibas.
- V. Kas īstateja Svātu Katōļu Bazneicu?
- A. Svātū Katōļu Bazneicu īstateja pats Kungs Jezus Kristus.
- V. Cik Bazneicu īstateja Kungs Jezus?
- A. Kungs Jezus īstateja tik vīneigu Svātu Katōļu Bazneicu.
- V. Jo Kungs Jezus īstateja tik vīneigu Katōļu Bazn., nu kurīnes cēlēs cytas Bazneicas?
- A. Cytas bazneicas cēlēs caur Kunga Jezus ticeibas nasaprasšonu vai caur ļaunu cylvāka prōtu.
- V. Kū pastateja Kungs Jezus par sovu vītņiku un Bazneicas golvu vērš zemes?
- A. Par sovu vītņiku un Bazneicas golvu Kungs Jezus pastateja Svātū Romas Tāvu.
- V. Kas beja pyrmais Romas Tāvs?
- A. Pymais Romas Tāvs beja svātais Pīters.

Pymō Bazneicas bausleiba.

«Tev byus svātdinōs un svētejamōs dinōs Svātu Misi izklauset un atsaturēt nu gryutim dorbim»

- V. Kū mums pīsoka pymō Bazn. bausleiba?

22

- A. Pymō Bazneicas bausleiba mums pīsoka svātķu dīnas svēteit taipat, kai svātdīnas.

Ūtrō Bazneicas bausleiba.

«Tev byus nu Bazneicas nūteiktōs dinōs atsaturēt nu gaļas ēdinim un gavejamōs dinōs gavēt.»

- V. Kū pīsoka ūtrō Bazneicas bausleiba?
- A. Ūtrō Bazneicas bausleiba pīsoka gavēņa dīnas gavēt.
- V. Kas jōdora tam, kas navar gavēt?
- A. Tam nu sovas goreigas vērseibas vajaga lyugt atļaušonu ēst aizlīgtus ēdīņus.

Trešō Bazneicas bausleiba.

«Tev byus vysmoz reizi godā izsyndzēt sovus grākus.»

- V. Kū pavēlej Bazneica trešajā bausleibā?
- A. Trešajā bausleibā Bazneica pavēlej, lai ikvins ticeigais mozōkais reizi godā izsyndzātu sovus grākus.

Catūrtō Bazneicas bausleiba.

«Tev byus Vysusvātōķū Sakramentu vysmoz Leldīnas laikā pījimt.»

- V. Kū pavēlej Bazneica catūrtajā bausleibā?
- A. Catūrtajā bausleibā Bazneica pavēlej, lai ikvins ticeigais mozōkais Leldīnas laikā pījimtu Vysusvātōķū Sakramentu.
- V. Kod sōcās un beidzās Leldīnas laiks?
- A. Myusu Archīdiecezē Leldīnas laiks īsasōc ar pymū Lelō gavēņa dīnu un īzabeidz ar Vyssvātōķōs Trejadeibas dīnu.

23

Pīktō Bazneicas bausleiba.

«Tev byus paleidzēt uzturēt Bazneicu un jōs kolpus.»

- V. Kū pavēl pīktō Bazneicas bausleiba?
- A. Pīktō Bazneicas bausleiba pavēl visim kristeigim, kotram pēc sovas īspējas, paleidzēt uzturēt sovu Bazneicu, jōs kolpus, kai ari dažaidas labdareibas īstōdes, kuras pī tōs atsarūn.

Četras pādejōs lītas.

- V. Kas ir nōve?
- A. Nōve ir dvēseles atsašķēršona nu mīsas.
- V. Kas nūteik ar cylvāka dvēseli pēc nōves?
- A. Cylvāka dvēsele pēc nōves tyuleņ stōjās Kristus Kunga tīsas priškā.
- V. Kur īt dvēsele pēc Dīva tīsas?
- A. Pēc Dīva tīsas dvēsele īt vai uz dabasim, vai uz škeisteišonas guni vai uz eļņi.
- V. Kaidas dvēseles īt uz dabasim?
- A. Uz dabasim īt tūs ļaužu dvēseles, kuri pēc Kristeibas nīmoz nav grākōjuši vai par sovīm grākīm Dīva taisneibai vysā ir gondarejuši.
- V. Kaidas dvēseles īt uz škeisteišonas guni?
- A. Uz škeisteišonas guni īt tūs ļaužu dvēseles, kuri šķirās nu šōs pasaules ar ikdīnišķīm grākīm vai kuri pēc lobas grākusydzēšonas nav vysā gondarejuši Dīva taisneibai.
- V. Kaidas dvēseles īt uz eļņi?

24

- A. Uz eļņi īt tōs dvēseles, kuras šķirās nu šōs pasaules ar naatļautu nōveigu grāku.
- V. Vai dabasu prīcai byus gols?
- A. Nā, gola nīkod ļai nabyus.
- V. Vai škeisteišonas gunei byus gols?
- A. Škeisteišonas gunei byus gols tūlaik, kad cylvāks ļau vysā byus gondarejis Dīva taisneibai.
- V. Vai eļņes mūkom byus gols?
- A. Nā, eļņes mūkom myužam nabyus gola.

Par grāku.

- V. Kas ir grāks?
- A. Grāks ir Dīva vai Bazneicas bausleibas apzīneiga un breivvaleiga pōrkōpšona.
- V. Cikaidis ir grāks?
- A. Grāks ir divejaidis: īdzymtais un padareitais.
- V. Kas ir īdzymtais grāks?
- A. Īdzymtais grāks ir tys, kuru paradīzē padareja Odums ar Ivu un kurs caur dzimšonu uz visīm ļaudīm pōrīt.
- V. Vai visi ļauds dzymst ar īdzymtū grāku?
- A. Visi dzymst ar īdzymtū grāku, tikai Vysusvātōķō Jaunova Marija dzyma bez īdzymtō grāka.
- V. Kas ir padareits grāks?
- A. Padareits grāks ir tys, kuru cylvāks pats padora.
- V. Vai padareiti grāki visi ir vīnaidi?

25

- A. Nā, na visi vīnāidi, citi ir nōveigi, citi ikdiniški.
- V. Kas tys ir nōveigs grāks?
- A. Nōveigs grāks ir teiša un apzineiga Dīva vai Bazneicas bausleibu pōrkōpš. Ielā litā.
- V. Kū zaudej cylvāks caur nōveigu grāku?
- A. Caur nōveigu grāku cylvāks zaudej Dīva žēlesteibu un peļnej myužeigu pazusšonu.
- V. Kas ir ikdinišks grāks?
- A. Ikdinišks grāks ir Dīva vai Bazneicas bausleibu pōrkōpšona mozā litā.
- V. Kaidu strōpi cylvāks peļnej par ikdinišku grāku?
- A. Cylvāks par ikdinišku grāku peļnej laiceigū strōpi šymā pasauli vai pēc nōves škeisteišonas guni.
- V. Kai cylvāks var grākōt?
- A. Cylvāks var grākōt ar dūmom, vōrdim un dorbim.
- V. Vai ikkotra ļauna padūmošona, kura nōk prōtā, ir grāks?
- A. Grāks ir tikai taida ļauna padūmošona, ar kuru cylvāks teišam kavejās.

Bausleibu pildeišona.

- V. Vai piteik mums tō, ka mes tikai nu grākim sorgojamēs?
- A. Nā, tō viņ napiteik, bet mums ir jōdora arī lobi dorbi.
- V. Kaidi lobi dorbi mums vyspyrms jōdora?

26

- A. Vyspyrms mums jōdora tī lobi dorbi, kurus mums prosa myusu pīnōkums.
- V. Kaidi ir Dīvam vyspateikamōki lobi dorbi?
- A. Lyugšona, gavēšona un dōvonu dūšona nabogim.

Par Svātīm Sakramentim.

- V. Kas ir Sakramenti?
- A. Sakramenti ir Kunga Jezus īstateitas radzamas zeimes, caur kurom dabojam nāradzamas Dīva žēlesteibas.
- V. Kas īstateja svātus Sakramentus?
- A. Svātus Sakramentus īstateja pats Kungs Jezus.
- V. Cik sakramentu Kungs Jezus īstateja?
- A. Kungs Jezus īstateja septenus Sakramentus.
- V. Kai dolōs svātī Sakramenti?
- A. Svātī Sakramenti dolōs uz taidim, kurus var pījimt vīnu reizi dzeivē un kurus var pījimt vairōk reizu.
- V. Kaidus Sakramentus var pījimt tikai vīnu reizi?
- A. Tikai vīnu reizi var pījimt: kristeibu, īstyprynōšonu un bazneickungu īsvēteišonu.

Par svātū Kristeibas Sakramentu.

- V. Kurs Sakraments ir vysuvajadzeigōkais?
- A. Vysuvajadzeigōkais ir Kristeibas Sakraments.
- V. Kōdēļ Kristeibas Sakraments ir vysuvajadzeigōks?

27

- A. Kristeibas Sakraments ir vysuvajadzeigōks tōdēļ, ka bez Kristeibas cylvāks nav byut izpesteits.
- V. Kaidu žēlesteibu dūd Krist. Sakraments?
- A. Kristeibas Sakraments dūd tū žēlesteibu, ka nūceļ idzymtū grāku un vysus cytus grākus, pyrms kristeibas padareitus.
- V. Kas var kristeit?
- A. Kristeit var veiskupī, bazneickungi un vajadzeibas laikā ikkotrs cylvāks.
- V. Kai vajaga kristeit?
- A. Vajag lit yudini bārnām uz golvas un sacēit tūs vōrdus: «Es (sacēidams vōrdu) tevi krystu Dīva Tāva un Dāla un Svātō Gora vōrdā.»
- V. Kas var byut par krysttāvu un krystamōti?
- A. Par krysttāvu un krystamōti var byut tikai katōli un gūdeigi ļaudis.
- V. Cik reizu dzeivē dreikst pījimt kristeibu?
- A. Tikai vīnu reizi.

Par Istyprynōšonas Sakramentu.

- V. Kas ir Istyprynōšona?
- A. Istyprynōšona ir Sakraments, kurs cylvāku styprynoī svātā ticeibā un dūd Sv. Gora dōvonas.
- V. Kaidas ir Svātō Gora dōvonas?
- A. Svātō Gora dōvonas ir: 1) Gudreiba, 2) Prōts, 3) Padūms, 4) Zineiba, 5) Drūšeiba, 6) Padīveiba un 7) Dīva baile.
- V. Kas var styprynōt?
- A. Styprynōt var tikai veiskups.

28

- V. Kas var pījimt Istyprynōš. Sakramentu?
- A. Istyprynōšonas Sakramentu var pījimt tys, kas ir kristeits un uz dvēseles natur nōveīga grāks.
- V. Cik reizu var pījimt Istyprynōšonu?
- A. Istyprynōšonu var pījimt tikai vīnu reizi.
- V. Kas pi Istyprynōšonas var byut par krysttāvu vai krystamōti?
- A. Pi Istyprynōšonas par krysttāvu vai krystamōti var byut tikai tys, kas ir pats īstyprynōts un gūdeigs cylvāks.

Par Grākuvaldēšonas Sakramentu.

- V. Kas ir Grākuvaldēšona?
- A. Grākuvaldēšona ir nu Kunga Jezus īstateits Sakraments, caur kuru dabojam grāku atlaisšonu.
- V. Kas cylvākam jōdora, lai dabūt grāku atlaisšonu?
- A. Lai dabūt grāku atlaisšonu, cylvākam vajaga izpīldeit pīcas grākuvaldēšonas daļas: 1) Grākus salaseit; 2) Par grākim nūžālōt; 3) Stipri apsajemt vairōk nagrākōt; 4) Grākus izsyudzēt; 5) Gondareit Dīvam un tyvōkam.

Sirdsapziņas izmeklēšona.

- V. Kas tys ir sirdsapziņu izmeklē (cytaidi, grākus salaseit)?
- A. Sirdsapziņu izmeklē ir atminēt vysus pēc

29

pādejās lobas grākusyudzēšonas padareitus grākus.

- V. Kod vajaga sovū sirdsapziņu izmeklēt?
A. Sirdsapziņu vajaga izmeklēt pyrims grākusyudzēšonas.
V. Kas vēl jōdora pi sirdsapziņas izmeklēš.?
A. Pi sirdsapziņas izmeklēšonas vajaga atminēt grāku skaitu, lelumu un ļaunumu.

Grāku nūžalōšona.

- V. Kas jōdora pēc grāku salaseišonas vai sirdsapziņas izmeklēšonas?
A. Pēc grāku salaseišonas vajaga par tim sirsneigi nūžalēt.
V. Kaš ir nūžalōšona par grākim?
A. Nūžalōšona par grākim ir sirds sōpe par padareitim grākim, ka mes asam ar jīm Dīvu apkaitynōjuši.
V. Kaida ir nūžalōšona par grākim?
A. Nūžalōšona par grākim ir divejaida: dabiska un pōrdabiska.
V. Kod nūžalōšona par grākim ir dabiska?
A. Nūžalōšona par grākim ir tūlaik dabiska, kod mes par sovīm grākim nūžalojam tikai aiz laiceigom īmeslem.
V. Kod nūžalōšona par grākim ir pōrdabiska?
A. Nūžalōšona par grākim ir pōrdabiska tūlaik, kad mes nūžalojam par grākim aiz tō īmesļa, ka asam tik lobu Dīvu apkaitynōjuši un ejni peļņejuši.

- V. Kaida ir vajadzēja nūžalōšona pi grākusyudzēšonas?
A. Pi grākusyudzēšonas ir vajadzēja pōrdabiska nūžalōšona.
V. Kas ir jōdora pēc grāku nūžalōšonas?
A. Pēc grāku nūžalōšonas vajaga stipri apsaļimt valrōk nagrākōt un nu grāku īmeslim sorgōtis.
V. Kas var byut par grāku īmesli?
A. Par grāku īmesli var byut: personas, vītas un apstōkli, kuri cylvāku vad uz grāku.
V. Vai Dīvs atlaiž tam cylvākam grākus, kas nagryb atstōt grāku īmesļus?
A. Nā, kas naatstōj grāku īmesļus, tam nateik grāki atlaisti.

Grākusyudzēšona.

- V. Kas tys ir grākus syudzēt?
A. Grākus syudzēt ir apvaiņōt sevi par sovīm grākim pret bazneickungu, lai dabōt grāku atlaisšonu.
V. Kaidai vajag byut grākusyudzēšonai?
A. Grākusyudzēšonai vajaga byut valsirdeigai un pylnai.
V. Kod grākusyudzēšona byus valsirdeiga?
A. Grākusyudzēšona valsirdeiga byus tūlaik, kad grākus un jūs apstōklus syudzēsīm tai, kai ir bejuši.
V. Kod grākusyudzēšona byus pylna?
A. Grākusyudzēšona byus pylna tūlaik, ka pa-

saceisīm bazneickungām vysus grākus, ni vīna naslāpdami.

- V. Kas vēl jōdora pi grākusyudzēšonas?
A. Pi grākusyudzēšonas vajaga pasaceit, cik reižu nōveigu grāku esi padarejis.
V. Vai loba ir grākusyudzēšona, jo esi aizmērsis nōveigu grāku?
A. Taida grākusyudzēšona ir loba, tikai nōkušū reiži vajaga pasaceit aizmērstū grāku.
V. Vai byus loba grākusyudzēšona, kad nōveigū grāku aiz kauna vai bailes paslēpsi?
A. Kad nōveigū grāku teišu prōtu aiz kauna, vai bailes paslēpsi, taida grākusyudzēšona byus slykta, svātzadzeiga.
V. Vai caur svātzadzeigu grākusyudzēšonu cylvāks daboj grāku atlaisšonu?
A. Nā, nadaboj.
V. Kas jōdora tim, kas pi grākusyudzēšonas teišam paslēpe nōveigu grāku?
A. Taidam pi nōkušas grākusyudzēšonas vajaga pasaceit par šytū slēpšonu goreigam tāvam un par jaunu izsyudzēt pagōjušos grākusyudzēšonas grākus.
V. Kas ir jōdora, kad beigsī syudzēt grākus?
A. Vajaga pasaceit bazneickungam: vairōk grāku napīmīņu, par itīm un visīm sovīm grākim sirsneigi žāloju, apsaļamu lobōtis un tevī, goreigs tāvs, jo asu cineigs (-a), lyudzu dūt grāku atlaisšonu.
V. Kas ir jōdora, kad bazneickungs dūd grāku atlaisšonu?

- A. Kad bazneickungs dūd grāku atlaisšonu, tad vajaga mūdynōt sovā sirdi vyslēlōkū nūžalōšonu par grākim, sist kryutis un saceit: «O, Dīvs Kungs, esi želeigs maņ grēcīnikam!»
V. Kas ir jōdora pēc grāku syudzēšonas?
A. Pēc grākusyudzēšonas vajag izpildeit nu bazneickunga uzlyktū gondareišonu par grākim.

Gondareišona par grākim.

- V. Kas ir gondareit par grākim?
A. Gondareit par grākim ir izpildeit tūs lobus dorbis, kurus bazneickungs pi grāku syudzēšonas uzlik.
V. Vai poši dreikstam pōrmeit nu bazneickunga uzlyktū pi grākusyudzēšonas gondareišonu par grākim?
A. Poši, bez goreiga tāva ziņas, gondareišonas dorbis nikod nadreikstam pōrmeit.
V. Kod un kai ir jōizpylda uzlyktō gondareišona?
A. Gondareišona ir jōpylda tymā laikā un tai, kai bazneickungs ir uzlicis.

Par Vysusvātōkū Sakramentu.

- V. Kas ir Vysusvātōkais Sakraments?
A. Vysusvātōkais Sakraments ir Kunga Jezus Kristus eistyna Misa un Asnis veina un maizes zeimēs nūslāpta.
V. Par kū šū Sakramentu sauc par Vysusvātōkū Sakramentu?

- A. Par tū, ka jamā ir paslēpts pats svātuma devējs, Kungs Jezus Kristus.
- V. Kod Kungs Jezus īstateja Vysusvātōkū Sakramentu?
- A. Kungs Jezus īstateja Vysusvātōkū Sakramentu Lelajā Caturtdinā pi pādejom Vakareņom.
- V. Kai īstateja Kungs Jezus tū Sakramentu?
- A. Pi pādejom Vakareņom Kungs Jezus pajēme maizi rūkōs, svēteja, lauze un deve apostolim, saceidams: Jemit un ēdit, šei ir Muna Misa.» Pēc pajēme bikeri ar veinu, svēteja un deve apostolim, saceidams: «Dzerit nu jō visi... Tys ir muns Asnis... kurs byus izlīts dēļ grāku atlaisšonas, dorit tū uz Munu pīmiņu.»
- V. Kas nūtyka, kad Kungs Jezus pi pādejom Vakareņom pasaceja: «Šei ir Muna Misa... Tys ir Muns Asnis?»
- A. Kod Kungs Jezus pasaceja tūs vōrdus, maize pōrsameja par eistynu Kunga Jezus Mīsu un vēins par eistynu Jō Asni.
- V. Kam Kungs Jezus deve varu pōrmeit maizi un veinu Sovā Vysdōrgōkā Mīsā un Asnī?
- A. Kungs Jezus deve tū varu apostolim ar tīm vōrdim: «Dorit tū uz munu pīmiņu.»
- V. Uz kū pēc apostolim pōrgōja tei vara pōrmeit maizi un veinu Kunga Jezus Mīsā un Asnī?
- A. Pēc apostolim vara pōrgōja uz veiskupim un bazneickungim.

34

- V. Kod bazneickungi un veiskupi dora tū breineigū maizes un veina pōrmeišonu Kunga Jezus Mīsā un Asnī?
- A. Jī tū dora Svāta Mīša laikā.
- V. Kas tys ir Svāts Mīšs?
- A. Svāts Mīšs ir bezasneigais Jaunō īstōdeju- ma upers, kurā Kungs Jezus caur baz- neickunga rūkom par mums pats Sevi uperej Dabasu Tāvam.
- V. Kas īstateja Svātū Mīšu?
- A. Svātū Mīšu īstateja pats Kungs Jezus Kristus.
- V. Kod Kungs Jezus īstateja Svāta Mīša uperi?
- A. Kungs Jezus Svāta Mīša uperi īstateja Le- laajā Caturtdinā pi pādejom Vakareņom.
- V. Kas palyka nu maizes un veina pēc jū pōr- meišonas Kunga Jezus Mīsā un Asnī?
- A. Nu maizes un veina pēc pōrmeišonas pa- lyka tikai zeimes: gordums, boltums un opolums.
- V. Kū mes pijamam Svātā Sakramentā pi Dīva Golda?
- A. Svātā Sakramentā pi Dīva Golda mes pi- jāmam dzeivū Kungu Jezu.
- V. Vai pījimdami Vysusvātōkū Sakramentu zam maizes zeimes, pijamam ari Kunga Jezus Asnī?
- A. Nui, pījimdami Kunga Jezus Mīsu zam maizes zeimem, pijamam reizē i Jō Asnī, jo kur ir dzeiva Misa, tur klōt ir dzeivs Asnis.

3*

35

- V. Kas ir vajadzēigs, lai byutu cineigi pījimt Vysusvātōkū Sakramentu?
- A. Ir vajadzēigs sagatavōt dvēseli un mīsu.
- V. Kai ir vajadzēigs sagatavōt mīsu?
- A. Nu pušnaktim navajaga nī ēst, nī dzert, pī- dar ari pīklōjeigōk un teirōk apsagērbt.
- V. Kai vajaga sagatavot dvēseli?
- A. Vajaga izsyudzēt sovus grākus.
- V. Kas jōdora pyrms pošas Vysusvātōkō Sakramenta pījimšonas?
- A. Vajaga niiskaltēt: Es grēcinīks cylvāks... Un mūdynōt sovā sirdī vyslēlōkū ticeibu, cereibu un mīleibu uz Dīvu.
- V. Kū vajaga dareit, kad bazneickungs pacel Vysusvātōku Sakramentu?
- A. Tūlaik vajaga nūsamēt celūs, pīlikt golvu, sist kryutis un sacēt: O Kungs Jezu! es naasma cineigs, ka Tu ūitim munā sirdī, bet tikai soki vōrdu un byus izpesteita mu- na dvēsele.
- V. Kas ir jōdora tyulen pēc Vysusvātōkō Sa- kramenta pījimšonas?
- A. Pēc Vysusvātōka Sakramenta pījimšonas vajaga nūsamēt celūs un sirsneigi pasa- teikt Kungam Jezum par tik lelu Jō zēles- teibu.
- V. Vai var tyulen pēc Vysusvātōka Sakra- menta pījimšonas it nu bazneicas ōrā?
- A. Pēc Vysusvātōka Sakramenta pījimšonas pīdar vysmozōkais minutu pīcpadsmīt lyugt Dīvu un Jam pasateikt par tāldu lelu Jō zēlestēibu.

36

- V. Vai ir breivi pījimt Vysusvātōkū Sakra- mentu, kas pi grākusyudzēšonas nav dabō- jis grāku atlaisšonas?
- A. Kas nav dabōjis grāku atlaisšonas un pi- jam Vysusvātōku Sakramentu, tys dora nōveigu grāku.
- Par Postora svēteibas Sakramentu.
- V. Kas ir Postora svēteiba vai ar svātim Elejim apsvaideišona?
- A. Postora svēteiba ir nu Kunga Jezus īsta- teits Sakraments, kas myus styprynoī pā- deajā breidī pret kārdynōšonom, atceļ grā- ku atlikas un dažu reizī ari atgrīz vese- leibu.
- V. Kas un kod šū Sakramentu var pījimt?
- A. Šū Sakramentu var pījimt ikvins katōjs cylvāks, kas gryuši slymoj.
- V. Cik reizū var pījimt šū Sakramentu?
- A. Tymā pat slīmeibā vīnu reizī.
- V. Kaidu lobumu dūd slīminīkam Postora svēteiba?
- A. Postora svēteiba nūceļ grāku atlikas, styprynoī slīminīku pret valna kārdynōšo- nom un dūd paciteibu mīsas vōjumā.

Par bazneickungu īsvēteišonas Sakramentu.

- V. Kas ir bazneickungu īsvēteišona?
- A. Bazneickungu īsvēteišona ir nu Kunga Jezus īstateits Sakraments, kas dūd cyl- vakam varu turēt Svātu Mīšu, daleit ļau-

37

dim Svātus Sakramentus un cytas Dīva žēlesteibas.

- V. Kas var īsvēteit bazneickungus?
A. Bazneickungus var īsvēteit tikai veiskups.

Par lauleibas Sakramentu.

- V. Kas ir lauleiba?
A. Lauleiba ir nu Kunga Jezus īstateits Sakraments, kas veirišam un sīvīteļ, kuri apsūleļ sev mīlesteibu, dūd žēlesteibu sadareigi dzeivōt un dīvaballeigi bārnus audzy-nōt.
V. Kas var laulōt?
A. Laulōt var veiskupi un bazneickungi.
V. Vai dzymtsarokstu nūdaļas var dūt lauleibas Sakramentu?
A. Dzymtsarokstu nūdaļas navar dūt lauleibas Sakramentu.
V. Vai tī, kuri kūpeigi dzeivōtu tikai ar dzymtsarokstu nūdaļas saraksteišonu bez Bazneicas lauleibas, var byut pīlaisti pī Sv. Sakramentim?
A. Tī, kuri kūpeigi dzeivōtu tikai ar dzymtsarokstu nūdaļu saraksteišonu, navar byut pīlaisti pī Svātīm Sakramentim, cīkom nabyus salaulōti Bazneicā.

Par lyugšonu.

- V. Kas tys ir lyugšona?
A. Lyugšona ir prōta paceļšona uz Dīvu.

- V. Vai vajaga mums lyugt Dīvu?
A. Mums vajag lyugt Dīvu dēļ tō, ka pats Kungs Jezus mums tai pavēlēja.
V. Kai var lyugt Dīvu?
A. Dīvu var lyugt ar vōrdim un dūmom.
V. Kū mes varim lyugt nu Dīva?
A. Mes varim lyugt nu Dīva vysu kas ir lobs un vajadzeigs myusu izpesteišonai.
V. Kod vysvairōk vajaga lyugt Dīvu?
A. Vajaga lyugt Dīvu reitā, vokorā un vysuvairōk kārdynōšonas un nalaimes laikā.
V. Kaida lyugšona ir vyslobōka?
A. Vyslobōka ir Kunga lyugšona vai «Tāvs myusu».
V. Par kū jei saucās par Kunga lyugšonu?
A. Par tū, ka pats Kungs Jezus tū lyugšonu mums izmōceļs.
V. Pēc «Tāvs myusu» kaida ir vēl vyslobōkō lyugšona?
A. Pēc «Tāvs myusu» vyslobōka lyugšona ir «Esi sveicynōta».
V. Uz kaidu gūdu mes skaitom «Esi sveicynōta»?
A. «Esi sveicynōta» mes skaitom Jaunovas Marijas gūdam.

Par Dīva žēlesteibu.

- V. Vai mes spējam vīneigi ar sovīm spēkim izpīldeit vysas bausleibas un izasorgōt nu visīm grākīm?


- A. Nā, vīneigi ar sovīm spēkim mes naspējam izpīldeit vysas bausleibas un izasorgōt nu visīm grākīm.
V. Kas mums ir vajadzeigs, lai mes spētu izpīldeit vysas bausleibas un izasorgōt nu visīm grākīm?
A. Lai mes spētu izpīldeit vysas bausleibas un izasorgōt nu visīm grākīm, mums ir vajadzeigs Dīva paleigs, kū mes saucam par Dīva žēlesteibu.
V. Cikaida ir Dīva žēlesteiba?
A. Dīva žēlesteiba ir dīveļaida: svātdorūša un paleīga žēlesteiba.
V. Kas ir svātdorūša žēlesteiba?
A. Svātdorūša žēlesteiba ir seviška Dīva dōvona, kura myus dora par svātīm, Dīvam pateikamīm un dūd mums tīseību uz dabasu vaļsteību.
V. Kod mes zaudejam šū svātdorūšu žēlesteību?
A. Šū svātdorūšu žēlesteību mes zaudejam, kad padoram kaidu nōvelgū grāku.
V. Kod mes dabojam atpakaļ šū svātdorūšu žēlesteību?
A. Šū svātdorūšu žēlesteību mes dabojam atpakaļ, kad pī grākuvaidešonas Sakramenta izsyudzam sovus grākus un dabojam jū atlalsšonu.
V. Vai varam byut pesteiti bez svātdorūšas žēlesteibas?
A. Nā, navaram.

- V. Kas ir paleīga žēlesteiba?
A. Paleīga žēlesteiba ir seviška Dīva dōvona, kura mums dūd spēku labi dareit un nu ļauna sorgōtis.
V. Kod Dīvs mums dūd šū paleīga žēlesteību?
A. Dīvs dūd šū paleīga žēlesteību pī ikkotra gadejumā, kad jei mums vajadzeīga.
V. Caur kū mes dabojam Dīva žēlesteību?
A. Dīva žēlesteību mes dabojam caur Svātīm Sakramentim un lyugšonu.



DĪVAKOLPŌŠONA VYSUSVĀTŌKAJAM SAKRAMENTAM PAR GŪDU.

Esi gūdynōts un slaveits.



O Salutaris Hostia.



42

Kas ir kai Dīvs, myusu Kungs,
Kas augstumūs dzeivoj: un raugōs vysu, kas
ir debesīs un vērs zemes.
Mozenus jys izvalk nu puteklīm:
Nabogu paceļ nu māslīm.
Lai pasādynōtu vīpu ar tautas lelveirim:
Ar sovas tautas lelveirim.
Tū, kuras mōja beja naangleiga:
Jys dora par mōti, kas prīceiga ar bārnim.
Gūds lai Tāvam, Dālam un Svātajam Goram.
Kai beja nu īsōkuma, tai tagad un vysod un
myužeigi myužam. Amen.

Svātdīnōs pyrms Lelō Miša jōdzīd:



Verīs uz laudim dvēseļu Bryugōns, Esi jim
želeigs, o Jezus soldons! Un mums, Pestei -
tōjs, apšķīņkoj sātas! Dūd zemei augļus un
dryvas lātas.

Dūd mīru tautom, dūd sadareibu! Mums
veseleibu un laiku lobu! Myužeigu dvēselem
dūd dusešonu Caur šytō Miša uperēšonu!

44

Tantum ergo Sacramentum.



Lai top cineits un gūdynōts.



Teicit jyus, bērneņi, Kungu!

Teicit jyus Kunga vōrdu!

Lai Kunga vōrds ir slaveits:

Nu šō laika un myužeigi.

Nu saules lēkšonas leidz Jōs ritēsonai:

Lai Kunga vōrds ir slaveits.

Augsts ira Kungs, pōri par vysom tautom:

Vērs debesim ir Jō gūdeiba.

43

Atdūdām gūdu Tev, Jezus, dōrgais! Sla -
vejam Tevi, Dīvs, vysusoldais! Parōd mums
visīm sovu gōdeibu Un glōb ticeigus zam sovu
spōrnu!

Ar tveiksmi sirdī uz Tevi saucam; Žēle -
teibas tovas korsti lyudzam. Paleidz mums
tagad gūdynōt Tevi Un dūt debesīs myužeigu
laimi!

Zīmas svātku dzīsmē.

Attecēja uz Betlejom ganeni, Vīpus meili
aicynōja Engeli. Gūds Dīvam augstumā, gūds
Dīvam augstumā, Vērs zemes mīrs ļaudīm.

Gūdu deve Dīvam silē zemeigu, Pazyna,
kai Pesteitōju mīleigu. Gūds Dīvam augstu -
mā...

Vērs un ezeļs Jū sildeja mīleigi, Goni
rūceņas bučōja priceigi. Gūds Dīvam aug -
stumā...

Debes gori Vīpam jaukj dzīdōja, Jaunova
ar Jezupu Jū auklēja... Gūds Dīvam aug -
stumā...

K. Jezus cīsšonas dzīsmes.

Jezus Kristus, Dīvs muns milais, Dīva
jērenš paciteigais, Stīpe, stīpe krystā sovas rū -
kas: Dēļ tōs, dēļ tōs munas natisneibas.

Raudi par jū, cūlvāks grēceigs, Radzūt cik
jys ir žālsirdeigs. Jezus, Jezus mērst pi krysta
kūka; Saule, saule tymša jau palyka.

45

Saceidams pādejū vārdu, Nūlaide uz placim golvu. Mōte, mōte pi jō nūskumeiga Beja, beja klōtu tikkū dzeiva.

Aizkors bazneicas pōrpleisa, Zeme treisej, akmiņš pleisa. Simtnīks, simtnīks klidze: Še Dāls Dīva! Visim, visim lela baile klīva.

Pēc Kristum pōrdyure sōnu, Asnis plyuda ar yudini. Raudit, raudit, lai berž sirdi žālums; Jezu, Jezu, apsažāloj par mums!

Tu, kurs par mums esi cītis, Jezu Kristus, myusu Tu Kungs, Apsažāloj par mums! Apsažāloj par mums!

Un Tu, Kura reizē esi cītuse, O Marija, Dīva Mōte, Lyudz Tu Dīvu par mums! Lyudz Tu Dīvu par mums!

Leldīnas dzīsmē.

Jaukō dīna mums atgōja, Kurōs ikvīns seņ gaideja. Šudiņ Kristus augšāncēlēs. Alleluja.

Dabasū Kēneš atnōce, Kai skaists zīdeņš aizzīdēja, Dzeivs pēc nōves mums rōdejōs, Alleluja.

Eļnes spākus salauzeja, Inaidnīkus sameideja, Citumnīkus valā laide, Alleluja.

Leidz trešai dīnai tur beja, Svātūs tāvus pricynōja Un pēc sevis aicynōja, Alleluja.

Tī, kas timseibōs sēdēja, Lelā bolsā gaviļēja, Kad Pesteitōju redzēja, Alleluja.

K. Jezu dzīsmē.

Muna tu prīceiba, o Jezu muns,
Muna tu liksmēiba, o Jezu muns!

Lai vyss tys gaist maņ, kū turēt varu,

Es nikō nagrybu, kad Jezu turu.

Smōdeju pasaula prikus un montu,

Mekleju es Dīvu ar vysu prōtu.

Tevi, o Jezu, nu sirds mīloju,

Tu lobums un mīrs muns, tevi cereju.

Mīloju ar vysu dvēseli munu,

Cytaidas mīleibas lai es nazynu.

Lai kaut tu, Jezu, mani atmastim,

Par mīlojamu maņ Kungu byutim.

Ak, ka, muns Jezu, ļauds tevi pazeitu,

Ar grākim myužam naapkaitynōtu.

Muna tu prīceiba...

Atej, Jezu, muna prīca, Atej, aizdedz munu sirdi! Tevis viņa slōpst un gaida, Esi sōpēs jai par bidri.

Tycu, Hostijā tu esi, Nadzeņ manis nūst nu sevis. Munus vōjumus tu redzi, Bet es eistyn slōpstu tevis.

Tevi pījemt sovā sirdi, Mīgt pi sovom korstom kryutim. Tevi auklēt sovā klēpī, — Tikai tūlaik laimeigs byušu.

Ar mīleibu lai es dagu Un pēc tevis vysod slōpstu, Lai ar pylnu prīcas vaigu Skumōs dzeives krystu nasu.

J. Marijas dzīsmē.

Marija, Marija par sauli spūdrōka,
Mēnesi skaistōka, par vysu cineigōka, Marija,
Marija.

Lelōka naklīva par Tev', Mōte Dīva,

Tū pyrmō pēc Dīva, Marija, Marija.

Marija, Marija vysteira Jaunova,

Pōrlyudz Dīvu Tāvu, lai nalaimu nava M., M.

Lai tisoj žēleigi un mīlasirdeigi,

Prosam Tev' zemeigi, Marija, Marija.

Marija, Marija lyudz Dālu mīleigu,

Lai mani bēdeigu nador' nalaimeigu, M., M.

Lai munu dvēseli nāstrōpej ar eļni,

Lik tī, kur engeli, Marija, Marija.

Marija, Marija, lyudz, ka Svāts Gors prōtu

Mums apskaidrynōtu, dōvonas zidōtu M., M.

Lai grāks zyud bez cīna, aug ticeibas ziņa,

Dabasū Kēnepa, Marija, Marija.

Marija, Marija, kad tīsā stōvēsim,

Lai bez vaiņas esim, ejam uz debesim, M., M.

Lai tad mes bēdeigi caur Tevim laimeigi

Palīkam myužēigi, Marija, Marija. Amen.

